

▲命令▼

大元帥令

大元帥通令

邇聞各屬民軍屢起以討逆名義轉相號召其慷慨請纓志有足多惟近日西南各路凱報迭至而陳督去任莫督接事開誠相與尤足維持地方之治安所有各屬民軍除潮梅外一律停止以待後命此令

大元帥印

中華民國六年十一月廿三日

▲函電▼

唐元帥致大元帥電

軍政府孫中山先生鑒密段氏軍械借款非竭力抗爭不可前致寺內首相原電請即由尊處會列幹公及舜月兩公暨繼堯名從速譯發是所盼禱繼堯洽印

唐元帥致大元帥電

廣州孫中山先生鑒密文電敬悉阻止軍械借款一電既蒙贊成幹公舜卿月波來電亦極同意請即由尊處領銜并將幹公舜卿月波與繼堯聯名拍發此間文電轉拍稽延有誤事機也事關大局乞即施行至禱繼堯叩巧印

陸元帥致大元帥電

廣州孫中山先生鑒巧電敬悉段氏違法禍國薄海同仇西南各省與師護國亟應積極進行堅持到底廷所主張與尊旨若合符節循誦偉論敢不贊同謹肅布復即維亮察榮廷養印

大元帥唐陸兩元帥譚陳兩督軍聯名致日本當局電

東京寺內首相本野外務大臣外交調查會貴族院樞密院衆議院各政黨領袖公鑒中日邦交年來益敦睦誼此其故固由貴國本維持東亞和平之力同情於我國國民革新事業之誠意有以致之而我國民循世界潮流竭心力以摧滅暴戾不法之舊勢力實爲之動機也循斯軌道相携以進兩國前途互有

幸福昔者袁世凱違背我國民公意壞法稱兵我國民起而擊之貴國亦仗義而言之在我國民以袁氏爲逆背世界潮流之罪魁在貴國以袁氏爲擾亂東亞和平之亂種故也段祺瑞昔雖反對袁氏而政治腐敗實不失爲袁氏嫡派故自任總理以來凌辱元首壓迫國會招集軍人謀叛釀成宣統復辟種種舉動世界之立憲國民久聞而冷齒我國民爲達革新政治之目的計不能不起兵致討即在貴國爲鞏固東亞和平計當亦於我國民表無限之同情乃者報紙宣傳段氏近以出兵興師之名向貴國借款數千萬購軍械藥彈無算擬在北方新編軍隊十師此等風說迭據傳說似非無因且段氏自受我國民出兵征討以來勢窮力蹙事實昭然出兵歐洲非其所能或者假託名義向貴國詐取軍械巨款用以壓迫護法之國民若貴國助不法之舊派政治家以摧殘護法之革新政治家以人道主義言之亦屬背道而馳某等因深望此種謠傳爲非確也倘段氏不量果向貴國有此要求甚望諸公勿爲所動嚴詞拒絕斯可減少逆軍之戰鬥力使義軍速奏勦定之功他日我革新之國民起而掌握政權與貴國永遠維持東亞和平之心握手同行以增中日兩國人民之幸福也臨電神馳無任企禱孫文陸榮廷唐繼堯譚浩明陳炳琨哥

## 大元帥覆張司令煦電

雲南督軍署轉行營靖國聯軍第七軍張午嵐司令鑒銑電悉仗義執言聲討叛逆愛國熱忱昭然若揭殊堪敬佩望澤勵師徒努力進行貫徹始終克遂初志力鋤逆黨之根株勿惑調停之邪說庶堅持不懈以集大勛孫文簡

## 大元帥覆黔軍袁縱隊長祖銘電

雲南督軍署轉行營黔軍袁繼隊長祖銘鑒元電悉知躬率勁旅屢奏克捷具見將士用命指揮有方至為欣慰尙望努力前進克竟大勳臨電馳念孫文箇

### 國會非常會議致大元帥電

孫大元帥鑒僞國務總理段祺瑞弁髦約法擴張私權勾結僉壬傀儡元首既釀禍以興戎復借款以賣國國民共棄萬衆離心幸而天誘其衷知難而退然國人之生命財產爲所犧牲國家千載一時有爲之光陰爲其虛擲者不知凡幾夫國人所以集矢于段氏者非有憾於其人實深惡其藐法也國家之生存惟恃法律法律破壞國家實受其殃然破壞法律之人終無幸理段氏師袁故智致有今日後之來者再蹈段轍其何能濟爲今之計求根本立國之道一言以蔽之曰守法而已守法爲何卽回復段氏曠亂倪逆倡叛以前之守法律狀態是也重集原有國會制定根本大法慎選賢明之人組織合法內閣一切遵循法紀順軌而行自可解目前之紛糾將來之禍大總統代總統身受國民委託之重維持綱紀義無可辭諸公或縮兵符或長民政或代表民意或夙負重望崇法律以黜暴力倡正論以闢奸回俾憲政底於有成斯大功垂於萬載凡我全國父老昆弟以及後世子孫實利賴之臨電神往政佈區區國會非常會議叩箇

## ▲廣告▼

### ○軍政府公報處廣告(一)

本公報現暫以長壽直街第四號廖球記代理發行凡內地外埠欲購閱本公報者希逕向該店定購可也此佈

### 本公報價目

- 一本報每日出版一號
- 二定購一月者定價大洋八角三月二元三角半年四元五角常年八元須先交報費
- 三國內及日本每號郵費半分南洋美洲各埠郵費酌加
- 四零售每號四仙

### ○軍政府公報處廣告(二)

啟者本公報現既出版至第十一號以本號爲止仍照前贈送自第十二號起除各行政公署及各公共團體仍繼續送閱一份外其餘各個人恕不贈送愛讀諸公請致函長壽直街第四號本公報代理廖球記定購可也此佈

中華民國六年十月四日

軍政府公報處啟

### ○大元帥府參軍處啟事

啟者大元帥府之電話號數如左

秘書處二一零零

參軍處副官室庶務科二零四四

衛隊室二零六九

大元帥府參軍處啟

軍政府公報

廣告

十一月廿三號第廿七號

五